



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
 PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
 Por. br. 018-41358, Mat. br. 20187646, Općinski sud u Sarajevu, rješenje br. 018-0-REG-00053/19
 Sjedište, ul. Jaroslava Čemija br. 8, tel: 237-655-447-7411, ul. Čemija br. 8, Sarajevo, BiH
 Pogon Vodovod tel 532-430, Pogon Kanalizacija tel 668-260
 PIB: 2011596004, ID: 420015195004, VO

29-01-2020

01	05	53180-64/19	Broj priloga
----	----	-------------	--------------

SKUPŠTINA KANTONA SARAJEVO

Reisa Džemaludina Čauševića 1

71000 Sarajevo

Sarajevo, 28.01.2020. god. 19

Broj: 1502/20

Predmet: Odgovor na zastupničku inicijativu zastupnice Bešlija Vildane (veza broj: 01-05-43190-64/19 od 17.12.2019.god.)

Na zastupničku inicijativu zastupnice Bešlija Vildane, sa 16. Radne sjednice Skupštine Kantona Sarajevo, održane 11.12.2019.god., kojom je traženo „*da se izvrši provjera da li su sva izvorišta vode u Kantonu Sarajevo u svom obuhvatu zaštićena od neovlaštenog pristupa čvrstom i sigurnom ogradom, te drugim potrebnim mjerama fizičke zaštite i osiguranja, a u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine FBiH, br. 88/12“)*“, dostavljamo sljedeći odgovor.

Zaštita izvorišta vode za piće se ne može vršiti prema Pravilniku o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine FBiH, br. 88/12“), nego prema odlukama o zaštiti izvorišta koje trebaju biti donesene na osnovu pomenutog Pravilnika. Pomenuti Pravilnik definiše obavezu donošenja novih odluka o zaštiti izvorišta, način određivanja zona sanitarne zaštite, mjere zaštite i postupak za donošenje odluke. Nadležne institucije još nisu donijele nove odluke o zaštiti izvorišta u skladu sa pomenutim Pravilnikom, tako da KJKP „ViK“ d.o.o. Sarajevo u okviru svojih nadležnosti provodi mjere zaštite u skladu sa važećim odlukama o zaštiti izvorišta.

Za izvorište „Sarajevsko polje“ je pripremljen „Nacrt Odluke o privremenoj zaštiti izvorišta vode za piće u Sarajevskom polju“ u skladu sa navedenim Pravilnikom ali nam nije poznato u kojoj je fazi usvajanje nove odluke. Za izvorište vode za piće – vodozahvat iz rijeke Vogošće je izrađen elaborat zaštite izvorišta u skladu sa navedenim Pravilnikom i u toku je postupak donošenja Odluke od strane Općine Vogošća. Za izvorišta vrelo Moščanica, vrelo Sedrenik i vrelo Crnil je pokrenuta inicijativa za donošenje Odluka o zaštiti izvorišta prema Općini Stari grad, za izvorišta vrelo Kovačići je upućena inicijativi prema općini Novo Sarajevo i za izvorišta vrelo Vode i vrelo Uroševo je upućena inicijativa prema Općini Centar, ali nam nije poznato u kojoj je fazi postupak donošenja Odluka.

S obzirom na dugogodišnje probleme zbog kojih nije usvojena Odluka o zaštiti izvorišta vode za piće u Sarajevskom polju i na sporost u donošenju Odluka za ostala izvorišta u nadležnosti pojedinih općina, podržavamo inicijativu zastupnice Vildane Bešlije koja u obrazloženju inicijative traži da „*Kanton Sarajevo uredi ovu oblast samostalno, po strožijim kriterijima*“.

KJKP „ViK“ d.o.o. Sarajevo svim izvorištima upravlja u skladu sa postojećim odlukama o zaštiti izvorišta na način da održava postojeću ogradu i obezbjeđuje fizički nadzor nad izvorištem u skladu sa svojim mogućnostima, i vrši kontrolu kvaliteta vode sa svih izvorišta. S obzirom da nije završen otkup zemljišta u prvoj vodozaštitnoj zoni koji je predviđen programom mjera u sklopu Odluke o zaštiti izvorišta vode za piće u Sarajevskom polju iz 1987. godine, nije moguće izvršiti ograđivanje cjelokupne zaštitne zone jer se dio zemljišta nalazi u privatnom vlasništvu. U cilju ispunjenja zakonskih obaveza u zaštiti izvorišta neophodno je da u skladu sa Zakonom o vodama („Službene novine FBiH, br. 70/06“), nadležne institucije donesu odluke o zaštiti izvorišta u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine FBiH, br. 88/12“) i u sklopu novih odluka predvide program mjera koji će se odnositi na otkup zemljišta u prvoj vodozaštitnoj zoni kao i ostale potrebne mjere te definišu odgovornosti i ovlaštenja svih subjekata vezano za zaštitu izvorišta.



Direktor



Erver Hadžiahmetović, dipl.ing.maš.